

卷十



書名 庾開府集十二卷 明新安汪氏刊本
 撰者 北周 庾信 撰, 明 汪士賢 校
 卷 卷十
 內容分類 集- 別集- 漢魏六朝- 北周
 索書號 仁井田- 集- N4002
 編號 D7114600

[彩色首頁1](#)

[東洋文化研究所漢籍目錄 編號: D7114600](#)

[東洋文化研究所漢籍目錄所載漢籍善本全文影像資料庫 索書號: 仁井田- 集 N4002](#)

[漢籍善本全文影像資料庫文本庾開府集十二卷 明新安汪氏刊本](#)
 版權所有: [東京大學 東洋文化研究所](#)

[使用上的注意事項](#)

庾開府集卷第一

賦

周 新野庾 信著
 明 新安汪士賢校

三月三日華林園馬射賦 并序

臣 堯以仲春之月刻玉而遊河舜以甲子之朝披
 圖 巡洛夏后瑤臺之上或御二龍周王玄圃之前
 猶 駿我大周之創業也南正司天北正司地平
 之 亂定三危之罪雲紀御官鳥司從職皇王有

金須似粟上將克昇元我既序夏陽三捷夷陵一舉
憑軾下齊凌江入楚鼎及歷室鍾歸大呂六卿咸事
天官是司二南作伯棠陰實治清風有頌綠竹聞詩
贈行之冊超然帝師昔侍蘭苑今陪杏林死生契濶
無違一心風雲積慘山障連陰陵田野寂松逕寒深
夏嬰之隴僑玄之墓馬見千年車回三步左無長樂
前非武庫直望高碑增悲行路

庾開府集卷第九終

庾開府集卷第十

周 新野庾 信著

明 新安汪士賢校

碑

周柱國大將軍紇于弘神道碑

公諱弘字廣略原州長城縣人也本姓田氏虞賓在
位基於揖讓之風鳳凰于飛紹於親賢之國論其繼
世之功則狄城有廟序其移家之治則長陵有碑况
復高廟上書小車而對 王聊城祭鳥長岳 疑而驅

燕將公而胎教之月歲德在寅載誕之辰星精出昂
是以月中生樹童子知言水上浮瓜青衿不戲而受
書黃石意在王者之圖揮劍白猿心存霸國之用魏
末安中任子都督翻原州城受隴西王節度于時洛
邑亂離當途危逼禮樂征伐不出於天子舉賢誅暴
實在於強臣太祖文皇帝始創霸功初勤王室秣馬
蒐粟誓衆太原公伏劍轅門粗謀當世隨何遠至實
釋漢帝之憂許攸一作攸非夜來即定曹王之業永熙中
初迎魏武帝入關封鶉陰縣開國子邑五百戶太祖

以自着鐵甲賜公云天下若定還將此甲示寡人白
水良劍罷朝而贈陳寵青驪善馬軍迴而賜李忠竝
經輿服足爲連類大統三年轉帥都督進爵爲公十
四年授使持節都督原州諸軍事原州刺史仙人重
返更入桂陽之城龍種復歸還尋白沙之路公此衣
錦鄉里榮之侍從太祖戰河橋復弘農解華山圖平
沙苑陣必有元勳常蒙別賞太祖在同州文武竝集
號令云人人如紇于弘盡心天下豈不早定即授陣
騎大將軍儀同三司前魏元年轉驃騎大將軍開府

祈連猶遠即受冠軍之沙幕未開元置長平之府梁
信州刺史蕭韶寧州刺史譙淹等猶處永安稱兵漁
陽二字疑公受命中軍流下瀨遂得朝發白帝暮宿江
陵猿嘯不驚鷄鳴即西平反羗本有漁陽之勇鳳州
叛氏又習仇池之氣公推鋒直上白刃交前萬死一
決凶徒多潰身被一百餘箭傷肉破骨者九瘡焉被
十槩露布甲上朝廷壯焉糾糾葛屢魏有去舊之歌
震露灑灑周受惟新之命乃進爵封鴈門郡公食邑
通前二千七百戶保定元年授使持節都督岷州諸

軍事岷州刺史隴頭流水延望秦關川上峨眉猶通
蜀道公不發私書不燃官燭獸則相負渡江蟲則相
銜出境四年拜大將軍餘官如故衛青受詔未入玉
門之關竇憲當官猶在燕山之下公之此授差無慙
德渾王叛換梗我西疆巖羗首竄藩籬携貳公受服
於社偏師遠襲揚於龍涸繫馬甘松二十五王靡旗
亂轍七十六柵鷄奔雉竄旣蒙用命之賞乃奉旋師
之樂天和二年被使南征帶甲百萬軸轡千里江源
水起海若乘流舡官之城登巢懸爨吳兵習流長驅

戰艦風灰箭火倏忽凌城公以白羽麾軍朱絲度水七十餘日始得解衣朝廷以晉剋夏陽先通滅虢之政秦開武遂始問吞韓之謀是以馳傳追公以爲仁壽城主齊將段孝先斛律明月出軍定隴以爲宜陽之援公背洛水而面熊山陣中軍而踈行首乘機一戰宜陽衝壁增封五百戶進柱國大將軍司勳之冊也建德元年拜大司空二年遷少保姬朝三列少保爲前疑炎正五官冬官爲北頻煩寵命是謂賢能三年授使持節都督襄郢昌豐唐蔡六州諸軍事襄州

刺史江漢之間不驚鷄犬樊襄之下更多冠蓋旣而三湘遼遠時遭鵬入五溪卑濕或見鳶飛舊疾增加薨于州鎮天子畫凌烟之閣言念舊臣出乎樂之官實思賢傳有詔贈某官禮也即以四年四月二十五日歸葬于原州高平之鎮山屬國玄甲輕車介士一依霍驃騎之禮衛將軍之葬嗚呼盛哉公入仕四十五年身經一百六戰通中陷刃疾甚曹叅刮骨傳藥事多關羽而風神果勇儀表沉雄事親無隱無犯學不專經畧觀書籍兵無師古自得縱橫青烏甲乙之

古白馬星辰之變九宮推步三門伏起天弧射法太
乙營圖並皆成誦在心若指諸掌虜青犢之兵甚有
秘計燒烏巢之米本無遺策西零賊退屈指可知南
郡兵廻插標而待常願執金鼓而問吳王橫琯戈而
返齊地有志不就忠貞死焉世子恭等孝惟純深居
喪過禮對其苦寢則梓樹寒生聞其悲泣則巢禽夜
下嗚呼哀哉乃爲銘曰

天齊水合日觀山連兵強東楚地遠開燕五卿咸正
三王並賢靈龍更起燧象還燃自天之德乃祖乃父

維岳降神生申及甫北門梁棟西州雲雨勇讐燕城
名題漢杜公始青衿風神世載猛獸不驚家禽能對
劍學千門書觀六代有竭忠真無違敬愛乃數君實
乃握兵謀澆沙成壘聚石成圖風雲順逆營陣孤虛
靈雨鉦鳴燿火飛狐淮陰受冊車騎登壇公爲上將
有此同官下江燒楚上地吞韓推功玉案定策珠盤
天有三階公承其命國有六卿公從其政台曜借輝
槐庭重映匡贊七德謨猷八柄腹蒲精神心開明鏡
伏波受賑樓船推轂東道未從南征不復飲丹有井

度開元九年卷十一
五
澆泉無菊功存柳林身在楠木移芮及葬提樞山行
芻靈隴水哀挽長城山如北印樹似東平松門石起
碑字金生眇眇山河筑筑胤子泣血徒步奔波千里
孝水先枯悲雲即起世數存歿哀榮終始

周柱國大將軍大都督同州刺史余綿姓氏書後

為綿氏永神道碑

公諱未字未賓東燕遼東郡石城縣零泉里人也本
姓段昔者昌意陵居初分若水之姓其叔出奔始有
京城之族西河居士蕃魏而却秦北岳將軍威胡而

奉晉其後居於北代則先封遼水備乎史籍可略而
言祖援鎮西將軍馮翊太守父儒平東將軍持節恒
燕朔三州諸軍事恒州刺史公年裁弱冠即值亂離
驅馳關塞之間早有縱橫之志軍陣方圓無勞聚未
山川形勢不待披圖魏正光五年入仕解褐殿中將
軍孝昌三年加龍驤將軍永平二年授平東將軍都
督中堦建義勲謀是先蒙賞倉泉縣開國男食邑一
百戶其年淮淝侵軼南鄙徵公兵受服偏師一月三
捷昔張遼奄至有關文

縣開國伯倉邑五百戶進爵爲侯永熙元年授使持
節車騎大將軍左光祿魏武帝特召入仕閣內大都
督馬武小心侍蕭王於臥內典韋忠壯陪魏后於宮
中于時賊帥元伯破掠城市西自潼函東綿鞏洛京
畿大都督請馬七千公曰此賊無他策尋爲鳥散止
請五百騎應手生擒朝廷賞其謀策百如喜其除害
旣而喪亂弘多生民版蕩葉輿西幸宗社北遷公妙
識玄象深知歷數乃與昆弟謀爲自全斬西中城主

本傳作西郎將

送首關內蒙賞平昌

本傳作昌平

縣開國子食邑

三百戶大統元年授使持節都督北徐州刺史平竇

軍

大傳作竇恭

復弘農戰沙苑河橋公並預元

疑

城身當

鋒首謨猷應變備在司勳增邑八百戶通前合二千
戶進爵爲沃陽縣開國公授南汾州諸軍事南汾州
刺史十四年增邑三百戶轉大都督其年授車騎大
將軍儀同三司加散騎常侍十六年授驃騎大將軍
開府加侍中尋授恒州諸軍事恒州刺史又遷雲州
刺史昔軒丘分族異姓者十四人鄆邑建侯宗盟者
四十國太祖文帝席卷關河三分天下潁川從我並

有鄉里之親新豐故人非無布衣之舊更立九十九
姓還存十六國舊胃還姓介綿增邑一千進爵爲廣
州城郡開國公尋授文州諸軍事文州刺史國家以
玉門西拒久勞亭鄣陽關北牧多事風塵武城二年
有詔進公都督瓜州諸軍事瓜州刺史是以名馳梓
嶺聲振榆關無雷畏威負霜懷惠保定三年還朝授
工部大夫尋遷車司馬夏官司武待白露而治兵冬
官考工紀玄雲而授職四年增邑三百戶通前合三
千九百戶其年授使持節大將軍都督治左八軍總

管軍事落食朝登上將暮會小卒事涉交接觀豐而

返天和

本傳作四

年以本官領小司寇三度疑有星名

天嶽八卦有坎象刑書公繁不秋荼嚴無夏日民知
約法未肯以獄吏爲尊吏識刑名無敢以死灰相懼
又任左廂第三軍總管仍被勅將兵馬北道教習韓
信入關卽申軍令陳農受詔仍校兵書豈若六郡良
家五營騎士懸知正正之旗遙識亭亭之氣蒙犯霜
靄旗鼓驅馳俄而遘疾疹至大漸五年六月十六日
薨於賀葛城春秋六十有八將軍死綏三十行哭都

護喪還緣邊追祭九月二十三日靈柩至于京師皇
帝臨喪百寮赴弔詔遣使持節車騎大將軍儀同三
司賀拔軌監護喪事又遣使持節車騎大將軍儀同
三司紇豆陵亮冊贈使持節柱國大將軍同華宜敷
冊五州諸軍事同州刺史謚曰基公其年十一月五
日葬于京城南高陽原高司里夫人赫連氏兗州刺
史悅之女年十四適介綿氏冊拜魯城縣君遷清陰
郡君又遷廣城國夫人肅恭令淑儀範賢才四德有
耀三星增輝三公夫人見於斯矣建德元年十二月

丁春秋五十有八二年正月歸於高司之塋劉荊州
之墓合葬於襄水之陽衛將軍之陵同穴於廬山之
下嗚呼哀哉世子岌使持節儀同大將軍領兵部大
天純孝事親忠貞事國禮義自立聲名有焉銘曰

軒臺受氏若水降居西城仲胤北陸寘餘山川雄烈
風俗扶踈昔我關塞公襲干戈時遭拔本世值橫波
北封代郡東據遼河地未平一天猶薦瘡我父

疑作公

重光繼文踵武總牧三蕃兼治六輔雅俗觀風都亭
待雨不逢問吏無聞桴鼓公以載世挺此令聞孝有

三德忠惟一君馬陵釋患聊成解紛方防滿月戰避
迎雲長松都尉細柳將軍既牧淮海且蕃恒代高壁
負關長亭穿塞疊鼓司盟吏不能欺兵無敢背王關
遺矩汾海留愛大將疊受冊公昇其壇六卿咸事公
貳其官夷陵燒楚上黨分韓營軍叅合校戰臯蘭年
深厲起福禍災生上台裂岳次將星傾赤地悲淚白
虎哀鳴懸弓靈幕繫馬塞垆煙凝不動泉凍無聲天
子愴然追於贈謚禮官賜冊陪陵受地印綬日策衣
衾曰穉玄窆就列黃腸在位自此何世從斯幾春樹

為樞

疑標見
作莊子

社陵成谷神詎知雲閣名在功臣

周車騎大將軍賀婁公神道碑

昔昔軒丘命氏初分兄弟之姓若水降居始建諸侯
之國自是以官為族因地為宗水派枝分其可知矣
公諱慈字元達本姓張清河東武城人也仕於周張
仲為孝友謀於晉張彥為賢臣韓有開地則五世強
國趙有孟談則三卿不戰祖慶少習邊將憑伏智勇
雖復五車行簡不取博士之名一卷兵書即以將軍
自許角端在手必無齊魯之侵蓮花插腰甚得蛟龍

之氣為車騎大將軍儀同三司散騎常侍霸城開國
伯贈河州刺史父璨公子公孫有鑑基於天下良弓
良治有世業於家風書則百家可知劍則千人可敵
三槐以鼎鼎象物知其神奸五等以栢珪旆疑瑞守
其官室君以才望兼而有之終於使持節車騎大將
軍儀同三司散騎常侍武定縣開國公贈兼河州刺
史兼山岳之靈受星辰之氣年在髫髮甫就勝衣竹
馬來迎已知名於郭伋羊車在道即見賞於王澄豈
直童子明經書生說卦而已至如禪河清論秋水高

談故以辨折龜林聲馳鹿野國家官族君為首姓起
家車騎大將軍儀同三司襲爵為公邑合一千六百
戶弱冠登朝傳呼甚寵漢魏台鼎故無此比中朝方
伯罕有其年大冢宰任總機衡是勤王畧借君忠壯
委以爪牙鎮左廂親信出梁州防主華陽西極漢水
東流巴濮既寧沉黎即靜保定四年王師北伐以君
驍勇被召將兵師下宜陽身登函谷將燒白馬之城
以覆烏巢之壘即而中途甚雨未獲圍原軍師聞喪
不成侵宋柱函趙王今上之第九弟也文則河間上

書武則任城置陣作鎮岷丘陽旂一作軫錦水白虎之

俗難安黃龍之盟不定以君智畧入佐中權天和元

年授使持節大都督治柱國總府司錄仍轉司馬餘

官封如故相如西喻鏤石於靈山武侯南征浮舡於

瀘水方之今日彼獨何人九品課工為上之下四年

入朝歸事宰旅即受載師大夫將命齊國尋盟出境

即用和隣入國聞喪仍從會葬之禮可使南面此之

謂乎尋以本官入治軍正至如渭水兵書存心為志

軒丘陣法聚石成圍既得師不疲勞兵無怨讟入陪

中禁更領儀同即客城池門闌戶籍咸資巡警並用

司存帝城近臣公室密戚如逢司隸似畏都官既而

孤城鄭姬不相其年巴水深翁不醫其疾春秋三十

有三奄捐官舍呂子明之疾甚歎軫吳王阮文瑜之

長逝悲深魏主有詔贈其官禮也以建德四年三月

日歸葬於河州苑川郡之禁山公六郡良家西河鼎

族地壯金行人雄塞氣丘書七卷河水浮來射法三

篇天弧夜下鋒旗不息刁斗恒驚猶得馬上讀書軍

中習禮太史子儀善於謀策諸葛公休長於撫馭四

代儀同三司七世河州刺史鍾鼎成烈冠蓋連陰謂
生爲貴臣死爲貴神者也但以遊魂久客反葬途遠
道阻山長妻孤子幼哀聲滿野愁氣連雲况復松檟
飄飄方臨武威之戍丘陵迴遠直對臨兆之城馬援
下於武溪尸柩返於魏里梁鴻死於會計妻子歸於
平陵嗚呼哀哉嘔崎遠矣昔者繁昌祠前即有黃金
之竭德陽基下猶傳青石之碑是謂勒功乃爲銘曰
七葉佐漢五世相韓忠臣入仕孝友當官青城仙洞
黃石祠壇臺堪走馬書足迴鸞武定風飈霜城嚴肅

竝馳雙傳俱分兩竹重世刺舉連鑣袞服草薜青丘
風馳赤谷世不乏賢挺茲上嗣孝有三德忠無二志
劔足身挺書堪面試旂節旣秉高蟬且珥龜轉印函
蛇盤綬笥左右將軍前後常侍繼踵五侯因循三事
旂旃九坂艫舳雙流還驅木馬更引金牛江波錦落
火井星浮蹲酒望帝安歌蜀侯受服河陽偏師洛浦
置陣成臯連旗廣武朝兵減竈夜營多鼓箭起六麋
鋒摧九虎倏忽人世俄然今古崇發兩星鑿驚二豎
遊魂通夢言返舊塋紫泥賜丹黃腸贈行途登石紐

廣開府集卷十
路入金城寒關樹直秋塞雲平劔埋合柱書藏鑿楹
武侯爲廟樂公爲社雲蓋低臨電裳紛下碑枕金龜
松橫石馬未矣身世留名華夏

周上柱國宿國公河州都督普屯威神道碑

銘并序

公諱威字某河南洛陽人也舊姓辛隴西人基若水
之源纂商丘之胄邑于大毫實定其居封于小辛乃
成其姓是以山川被髮辛有得見事之機八卦占爻
辛廖有知人之鑒佐治以東都上將魏帝解衣武賢

以西國功臣漢王推轂祖大汗武川太守考生河州
四面總管大都督隴右貴臣河西鼎族公侯踵武岳
牧連鑣並得聲振長榆名雄高柳公秉靈山岳誕載
星辰結髮嶷然韶年成德澄波萬頃建標千仞鋒穎
旣高光芒已遠青衿學劔旣爲人主所稱童子論兵
即在中軍之策未熙元年入仕蒙授直盪都督太祖
文皇帝雪舊君之耻連西伯之功始裂鴻溝初登函
谷公擢衣沐髮杖劔轅門撤洗足而相迎下賓階而
顧問自此即居帳內仍爲直寢授寧遠將軍羽林監

白土縣開國伯邑五百戶大統元年從迎大駕進爵
爲侯增邑三百戶加冠軍將軍散騎常侍轉大都督
公善於用兵長於撫御自功洛陽定弘農戰河橋平
沙苑冒刃衝鋒前無橫陣况以茲木六鈞函犀七屬
門多懸胃箭必中鞍山積器械谷量牛馬軍吏計功
司勳賞策授使持節銀青光祿大夫進爵爲公增邑
八百戶昔者受律赤符韓信當千里治兵白帝張飛
擬萬人皆此於今日公之謂也五年授使持節都督

揚州諸軍事揚州刺史浮於

一作于

江海達于淮泗蘇

蕩旣敷瑤琨卽序十三年授車騎大將軍儀同三司
尋遷驃騎大將軍開府仍賜姓普屯卽爲官族入陪
武帳出揔戎韜置府於陽關張旃於瀚海故得上書
於漢卽用同宗爭長於周還無異姓十六年授鄜州
諸軍事鄜州刺史公穎煩兩牧風政神明虎去西河
梟移東郡河湄瑞氣特表廉平鄜祀神光徧明正直
及乎魏終天祿周受惟新明命已遷彛倫或革周元
年改授大將軍抱罕郡開國公增邑一千戶軍中受
詔非論北伐之功大將登壇無待東歸之策置陣太

平開陰晉之道連兵廣武納滎陽之城校戰丹山移營白壁莫不勇冠三軍名凌五將保定四年授寧州總管掌其北門既爲鄭國所委捍其西鄙無懼秦亭之逼是以築平綱之城衛人拱手成滎波之澤梁氏寒心朝廷與公有內外之親令公從戚里之貴乃以魏文帝女爲公夫人遂得長門之左別開公主之園濯龍之傍便有王姬之館五年被徵入京拜少本傳作小司馬期於司武以公爲魏絳佐於中軍以公爲荀首豈直謂之鵠火稱之縉雲而已哉其年被使領兵出

西涼州奉迎突厥皇后紀制

疑衍

繡求卿爲君逆稱

族而行尊君命也天和元年授柱國拜大司寇楚之柱國方之南火軒之司寇譬以西雲總授於公能官人也建德二年授少傅四年授河州總管都督七州諸軍事卽爲河州大中正公之桑梓本于此地再爲連率頻仍衣錦襄城龍種更及池臺桂陽仙人還歸鄉里故老親賓酣歌相慶安車駟馬天下榮之宣政元年授上柱國更加少傅配于上相卽陪玄扈之圖居于京師實有杞橋之策改封宿國公食邑并前五

千五百戶射鴻舊圃舞鶴餘城旣浮酸棗之河聊對
淇園之竹來朝建章則天子降席出遊戚里則郡公
下塔是以行滿天地名聞四海方當光輔五軍叅謀
七政天厲弗戒薨于所居春秋六十有九柳莊告殯
傾社稷之臣鄭僑云亡得諸侯之禮詔贈某官謚某
公禮也以今開皇元年七月某日反葬於河州金城
郡之苑川鄉山行隴底地入塞原望積石以緣河臨
崆峒而下坂玄甲黃腸崎嶇亭鄣及云莫徹方勞榆
沈若夫樹反壤也封夏屋焉終湏頴川之碑乃見華
陰之碣世子儀同永達孝性有聞居喪得禮嗟海變
而田成懼山飛而地絕勒石墓田仍銘云爾

少典之孫玄王之子貫於月金承於水降及於周公
侯復始風俗氣候山川表裏河連積石山帶崆峒秦
亭北上漢使西通金行氣壯地勢人雄稜稜高節凜
凜踈風祖考藩屏濁河清渭兩地謨明雙流光貫水
無別色雲無異氣爲吏爲民惟懷惟畏公之嗣世實
秉英靈降神中嶽迴文列星鸞翔鳳顧珠角山庭臣
深義本子極天經洛城戰陣河橋旗鼓箭飲石梁劔

燃銅樹英麗六麋俱抽雙虎王門開群陽關置府再
爲上台兩爲少傅模範帝師經綸國步允襲峻德欽
明審諭不吝車茵誰言溫樹天道茫昧年齡倏忽上
將星開功臣鼎沒九原陵阜三河甲卒地險龜林營
危馬窟西州未別北闕長辭山張虛蓋野祭空帷陵
原地迥松路風悲銘于碣石勒以貞龜

周柱國楚國公岐州刺史慕容公神道碑

昔在殷書懋賞周禮議勲諸侯計功大夫稱伐惟師
尚父昆吾載寶鼎之銘王命尸臣拘邑傳琯戈之賜

故知太上立德明試以功存有顯爵之榮歿有大名
之貴昊天不弔其性楚國公乎可以旌德景鍾勲

彝器式昭盛美載揚洪烈者焉公諱寧字永安昌黎

徒河

周書作何

人也都尉總六縣之卿名山稱五岳之佐

燕太祖文皇帝慕容皝以當世英雄奄有河朔趙之
南境且建王城冀之北上仍爲興國公旣皝之苗裔
家世燕陲高祖侍中使持節都督中外諸軍事太保
錄尚書北地王慕容超之世蕃屏王室詳之燕錄可
得稱焉曾祖尚書府君因魏室之難改姓豆盧仍爲

官族祖仕魏文成皇帝考早亡朝廷以庸勲攸屬恩深追遠保定三年有詔贈柱國將軍少師涪陵郡開國公食邑二千戶公稟氣中和降祥川岳岐嶷表羈貫之年通禮稱綺統之歲夙著竒節幼表大成兄弟分果備知推讓賓客解鈴曾無恡色永安元年太宰元天無穆魏室滿疑車握兵淮右抗權江南公時任別將便從征伐自是長城峽石必光行陣秦南隴西每當矢石權疑降乘勝莫不前驅策勲行賞常居第一未熙元年補子都督并加鼓節軍儀除桑乾大守

轉補都督其年以魏皇西幸奉迎大駕賜封河陽縣開國伯增邑三百戶俄遷大中大夫改伯爲侯增邑合九百戶仍授使持節都督顯州諸軍事顯州刺史四年還鎮東將軍金紫光祿大夫其年秋河橋之役先登破陣遷爲車騎大將軍儀同三司五年沙苑之功加封合前二千戶俄授敷州刺史加散騎常侍外深推轂內侍集書十五年授右衛將軍十六年授大將軍後魏元年重授敷州刺史公以先經刺舉固辭不就三年改封武陽郡開國公除尚書僕射職惟贊

奏任居封掌分左右之衛兼典舉之選屬以江南阻
兵渚宮邊敵軍機警急鋒鏑縱橫公奉命星言元戎
啓路惣秦人之銳士兼荆戶之廣卒水龍競雙刀之
勢步竒陳四分之威夷陵旣燒黔中方定旆軍反旆
解甲休兵其後鳳州內判成都外絕公又惣督衆軍
蒐乘即盜兵不血刃竝皆擒獲遷其酋豪納其降附
呈朝受終文祖革命神宗選賢與能改茲郡縣
冊書授公柱國增邑四千戶二年授同州刺史
關輔唇齒秦晉編戶殷積邸閭儲峙藩籬是任親賢

勿居公庭集旗作牧塞行部惟六條斯舉百城咸勸
三年授公大司寇又以功勲庸特著冊封楚國公食
邑一萬戶蓋因破侯方仁等於荆陝卽其地而封焉
逖糾王慝弛張刑政式遏寇虐於是御之以寬猛柔
遠能邇然後平之以冲和舜任咎陶不仁者遠晉舉
隨會群盜皆奔保定四年授岐州諸軍事岐州刺史
沉洄彌留保定五年三月四日薨于私第春秋六十
有二詔贈某官謚某公禮也十月庚申塋于洪瀆之
川馳綽毀宗客車專道玄甲被屬國之兵介士陳輕

車之騎克善令終生榮死感嗚呼哀哉經德秉哲體
道居貞履貴思冲居盈一作念損澄波千頃不能變
其清濁高墻百仞無以測其汗隆立身行已居安如
墜二躬殉義視嶮若夷至於將畧應變出奇設伏太
一風角之占常從星辰之候艘船戰陣之錄強弩馳
射之書莫不動會機神發符雷電梯衝所向地靡百
樓之城長戟所臨野關三門之陣是以斬將搴旗四
十三戰尊官厚祿三十七年武彰七德之義詞誦九
功之業迹紀庸器之文行昭易名之典音臧文既歿
穆叔稱其立言鄭僑云亡宣尼泣其遺愛德陽青石
之墓千年未平板江白虎之碑百代無毀敢因斯義
乃作銘曰

遼水之東冀州之北旣曰都尉兼稱屬國歛氣餘勇
雄邊遺則孝實天經忠爲令德冠冕世祿羽儀祚胤
俗被燕丹風慚英蘭劬勞役行辛苦行陣勇過潑駿
氣踰瓦震王國克生思皇多士温温恭人謙謙君子
擁旄仗節出蕃入仕五朝建旗千里時逢改特疑名
載策勲淮陰召拜昭陽破軍職司刑政獄慎深文沈

羊不飲萑盜無聞巴庸薄代江漢專征軍惣六校兵
兼七營運長擊短後實元聲增壘威敵減竈潛兵鍾
鳴夜漏晞露朝陽邑里蕭索宅帷荒涼豐碑下柩題
湊遷喪宮臨樗里臺傾孟嘗十兆戒期遠辰告筮德
遺身後名昭歿世館舍長捐泉扃未閉晏嬰悼齊柳
莊悲衛風秋北原日沒川逝塋田舊頃客土新封淚
墮片石劔拄孤松清徽令範千載餘蹤

周兗州刺史廣饒公宇文公神道碑

唐朝以元凱並進十有六人周室以昭穆先封十有

五國發源纂纂胃葉派社以分開國成家珠聯璧合是用
克明峻德思皇多士成風德有後公其裕哉公諱常字
子元豫州滎陽人也田周宣中興然後樹賢建威鄭武
有國然後保姓受氏荆衡之賦千乘莫敢加兵號會
之封十城翻爲獻邑况復郊門致騎先迎內史之賓
南宮旦朝獨識尚書之履祖思慶建威將軍山陽太
守建威取曹仁之號可以定名山陽有王暢之賢足
觀風俗考瑱銀青金紫方於溫羨傳祗鎮南征東北
於劉弘荀顗報功之冊則槐路是儀贈行之典則荆

河惟牧公弱齡早惠幼夙成志立必正方言無勦說
青衿智勇卽埋雲夢之蛇童子仁心已愛中年之雉
始遊庠塾不無儒者之榮或見兵書遂有風雲之志
出忠入孝事盡於心脩身立名理窮於性大統三年
起義華陽先登廣武浮潛逾汚入渭亂河蒙授永安
縣開國男輔國將軍自爾長從太祖入爲帳內都督
河橋接戰秋水則三月不流洛城揮鋒金墉則一月
路斷西京不賓羗戎侵軼城如飛鳥地有伏龍公以
金僕裁抽靈鈺擿舉麟目已奔狼心遂革遷平東將
軍帥都督十五年襲父封魏昌縣開國伯傳大都督
魏後二年授使持節車騎大將軍儀同三司黃權受
詔嘉其入魏之功竇憲當官賞其平戎之策公之此
授勲庸著矣進爵廣饒縣開國公邑五百戶保定三
年授都羅州諸軍事羅州刺史仍領金州兵馬應接
上庸公於文谷路溪澗崢嶸巖崖豁嶮山窮水斷馬
束橋飛中埒旣開雙城卽款往者申息盡掩江黃無
援潯陽極浦亟犯風塵夏首西浮頻遭鋒鏑公以伏
波受賑樓船誓衆入橫江之陣進下瀨之兵越客文

身湛盧終去吳人長鬣餘鯨遂遠建德四年授使持節開府儀同大將軍公孫敖下光祿之塞諸葛誕勒九都之山公之處焉差無慙德四方雜俗天下殊風以君廉能使觀察馳傳擁節揚旂持斧旣乘驄馬仍被繡衣群盜累足貴戚歛手鄉亭留宿幸無歸忌之疑公車奏事寧有反支之日是使陽球司隸無所申威鮑恢都官因人成事高祖武皇帝以仲春誓衆甲子濟河公仗劔六軍披圖八陣警彼張遼前鋒而報魏主方之耿弇先戰而待蕭王及乎九州迨同四隩旣宅遂得功參勇爵名入司勳授上開府增邑五百戶加以舉功行賞推恩分邑兼乘而反光乎譙郡之城載寶而歸照於臨漳之水即日賜姓宇文與國同族婁敬上書於鹿輅項伯舞劔於鴻門公之此榮足爲連類以公績著屯險誠貫風霜其年授使持節督東徐州諸軍士事徐州刺史宣政元年授都督南兖州諸軍事南兖州刺史作牧濟河風行於雷澤建旗海岱化被於淮沂襜帷入境貪殘者解印冕旒從政仁義者郊迎豈直白石開渠青鹽換粟祥雲入境

行雨隨軒而已哉在任遘疾薨于方鎮百姓蒿監御
斯牧賢能刺史荀中郎連率此則中興方伯英聲茂
實公之有焉詔贈某官謚某公禮也以大象二年十
一月十日歸葬於滎陽之某山舊墓九原悽愴趙文
子其何言駟馬悲鳴騰成公其已遠若夫勒鼎刊碑
銘功頌德陳其令範必在生前嗟乎此之樹碑異乎
洙泗之水此之勒石異乎燕然之山嗚呼哀哉乃爲

銘曰

高陽之子少典之孫蒼林遠邁若水遙源公侯復始

鍾鼎逾繁承基纂習建國開藩我壯武旣公旣侯
緇衣出鄭卿士歸周魚陵北上滎澤東流河移酸棗
雨粟陳留祖守南邦考鎮東部兩龜爲印雙虵結綬
日察陰陽星占長柳是日世載其名不朽事親之道
孝以立身事君之道忠以立仁今君嗣德一此君親
如松之茂如竹之筠功叅荆棘職立兵戈北臨青嶺
南通白波直雲橫塞長星渡河陳開沙斷師移竈多
舉功行賞封疆受位宮室鏤堦山河分地決勝千里
謀深計秘建武功成名連星次建旗濟漯擁節龜蒙

既蠶桑土實撫梧桐野無異噐河無別風吳亭楚
莫敢彎弓倏忽身世俄然松檟路轉銅魚山迴石馬
武侯之廟樂公之社望此高碑悽然淚下

周隴右總管長史贈太子少保

傳及碑中
止云贈少保

豆盧公神道碑

君諱永恩字某昌黎徒何人本姓慕容燕文明帝旣
之後也朝鮮微子之封孤竹伯夷之國漢有四城秦
爲一侯其先保姓受氏初在柳城之功開國承家始
靜遼陽之亂自夫市星妖連津丘麓尚書府君改姓

豆盧啞仕於魏祖代左右將軍魏文皇帝直寢父長
少以雄畧知名不幸早世周朝以公兄弟佐命義存
追遠保定二年有詔贈柱國大將軍涪陵郡公是知

春雨潤木自葉流根西伯行而疑推存及歿公以山

岳精靈星辰秀異氣侔鍾鼎聲感風雲觀於秦兵尚

稱童子對於楚戰猶在青衿太祖文皇帝乘時撥亂

奄有霸業潁州一作昌從我舊愛無望春陵故人相知

惟有普泰二年開西建義授殄寇將軍奉迎大駕賜

封新興縣伯巴五百戶開新安之鄉還移揚僕之關

解弘農之圍更入劉昆之郡援桴併轡並預前驅大

統三年有沙苑之戰四年河橋之役介胃蟻虱戎馬

生郊公應一作靈變愈長風飈更勇隱若敵國強人意

授龍驤將軍中散大夫八年授直寢右親信都督尋

轉大都督加通直騎散常侍十六年授使持節車騎

大將軍儀同三司魏元年授驃騎大將軍開府儀同

三司鄧騭以漢朝親戚始授中台黃權以魏國功臣

初登上將公頗煩寵授朝野為榮三周書二年都督成

州諸軍事成州刺史尋加侍中外惣連帥振威百城

內叅常伯榮高八舍于時隴坻黠羌時穿上谷榆中

郡賊或聚漁陽公卷甲星馳長驅千騎迴洛兗徒望

風草靡瓜州豪傑束手歸軍後魏元年改封龍支抱

罕郡也周縣侯三年朝廷使大將安政公隨突厥有

書作靡天子吐蕃一作谷渾歸國河鄯二州屬當路首公領騎

八千以為戎防南通丹粟西望白蘭關塞無虞公之

勲也周元年授都督鄯州諸軍事鄯州刺史其年改

封沃野縣公增邑千戶二年授隴右總管府長史武

成元年都督利涉汶三州諸軍事利州刺史五年兵

破文州陽陣蠻仍平瀘水以保定元年一有將兵破

巴州恒猷獠度瀘五月葛亮有深入之兵長坂九迴

王遵有忠臣之路霜電不驚水草無乏天幸將軍斯

之謂矣其年授司會八法斯掌九賦是均事總歲成

功叅日要三年還授隴右總管府長史公屢弼英蕃

頗相大府北海入朝仰以對問東平謁帝因而定禮

遂使馬首懷燕不無樂教蕃臣擬漢或多因疑作叔

兄楚國公以叅和挹讓莊贊樂推建國開都奄荒南

服朮以先封武陽郡三千戶益公沃野之封朝廷以

兄弟相讓不無前史推恩分邑有詔計焉增邑并前

合四千七周書作五百戶既而六氣相犯五聲相觸靈壽

不終遊魂且變薨於官舍春秋五十八周書作四十八詔贈

少保幽冀定相等五州諸軍事幽州刺史謚曰敬公

禮也天和元一作六年二月六日塋於咸陽洪瀆州大

夫墓樹以栢諸侯墳高於雉嗚呼哀哉公資忠履孝

蘊義懷仁直幹百尋澄波千頃留心職事愛玩圖籍

官曹案牘未嘗煩委一作擁戎馬交馳不妨餘裕兄弟

公侯國朝親戚宜春有湯沐之盛濯龍無流水之機

渭南千畝之行尚懼盈滿咸池一作陽二頃之田常思

止足立身則十世可有遺子則一經而已刺史賈逵

之碑既生金粟將軍衛青之墓方留石麟乃爲銘曰

朝鮮建國孤竹爲君地稱高柳山名密雲遼陽趙裂

武遂泰分寶珪世胄雕戈舊勲名稱賓實言謂身文

挺此含璋降茲岐嶽有犯無隱王道正直唯愛唯敬

未成悅色枕籍禮闈留連學植左傳策叅帷帳功披

荆林韓陣揮戈齊城憑軾豹策乃建龍韜同啓校戰

岐陽申威隴坻城壘畫地山林聚米上馬諭書臨戎

習禮賈復開營廉公屈禮從容傳會占對造請用此

廉平終茲寬猛綠林兵息潢池盜靜名振赤山威高

青嶺玄獸浮河飛蜺出境災氣出巖毒水侵涇朝傾

地鎮夜落台星石壇承祀豐碑頌靈渭城前栢舊陵

下庭湏知地市爲讀山銘





